



MEMORIA XUSTIFICATIVA

CONVENIO DE COLABORACIÓN ENTRE A CONSELLERÍA DE MEDIO AMBIENTE E ORDENACIÓN DO TERRITORIO E O CONCELLO DE OURENSE PARA AS OBRAS DE EXECUCIÓN DE ACTUACIÓNS NA PRAZA E ALAMEDA DE COVADONGA.

1.- Competencia

Esta consellería de Medio Ambiente e Ordenación do Territorio, en virtude do establecido no apartado m) do artigo 10º.1 do Decreto 167/2015, do 13 de novembro, polo que se establece a estrutura orgánica da Consellería, ten atribuída a competencia para a realización de actuacións de mellora de contornas urbanas, de accesibilidade e supresión de barreiras arquitectónicas e de equipamentos públicos que teñan por finalidade a revitalización do territorio e o reequilibrio territorial.

2.- Antecedentes

A colaboración entre este departamento e o concello de Ourense, enmárcase na continuada colaboración entre a Consellería e as entidades locais da Comunidade Autónoma para a execución de obras e outras actuacións en materia de urbanismo (**Plan hURBE 2014-2017**). Para elo, nos orzamentos da Consellería de Medio Ambiente e Ordenación do Territorio para o ano 2016 figura consignación orzamentaria adecuada para acometer a actuación obxecto do acordo.

3.-Finalidade

A actuación, pola súa finalidade, forma parte dunha das principais liñas de acción da Consellería de Medio Ambiente e Ordenación do Territorio: **“Posta en valor do plan hURBE en colaboración coas entidades locais da Comunidade Autónoma”**.

Para os efectos sinalados, tense previsto formalizar co concello de Ourense o instrumento convencional arriba referido por un período de vixencia que abrangue dende a data de sinatura do convenio ata o trinta e un de decembro de 2016.

4.- Obxecto

O obxecto do presente convenio é establecer as bases de colaboración e cooperación técnica e económica entre a Xunta de Galicia e o concello de Ourense, que permitan acometer e incorporar ao patrimonio público municipal as obras consistentes no **“execución de actuacións na Praza e Alameda de Covadonga”**.

5.- Fundamentos do instrumento convencional





O Concello de Ourense trata de promover unha actuación consistente no “**execución de actuacións na Praza e Alameda de Covadonga**”.

Constitúen obxectivos do Plan *hURBE*, entre outros, os de:

- Promover o desenvolvemento das vilas e dos núcleos rurais con criterios de sustentabilidade económica, medioambiental e social.
- Fomentar a conservación e posta en valor do patrimonio cultural e histórico dos núcleos urbanos das vilas e tamén, no seu caso, dos núcleos rurais do territorio galego.

Para o cumprimento destes obxectivos, a Xunta de Galicia promoverá a execución de equipamentos urbanos municipais, cón fin de dotar aos concellos dunha adecuada oferta de actividades de ocio, recreativas, culturais e de lecer, cón fin de mellorar a calidade vida dos seus cidadáns e do público en xeral.

Promoveranse todas aquelas actuacións orientadas a mellorar a seguridade viaria e peonil, a accesibilidade e a supresión de barreiras arquitectónicas, cón fin de mellorar o benestar dos veciños.

Fomentarase, así mesmo, a conservación e recuperación de espazos públicos, coa finalidade da súa posta en valor como espazo social, cultural e economicamente activo.

O concello presenta un documento técnico que define a actuación obxecto do convenio, e que en síntese, resúmese no seguinte contido:

- Mellora da calidade de vida dos habitantes e visitantes de Ourense.
- Potenciar o uso e goce das zonas públicas.
- Incrementar o número de elementos biosaludables.
- Incrementar o número de xogos infantís.
- Potencian a integración das persoas instalando e aumentando a oferta de xogos e elementos inclusivos.
- Mellora das infraestruturas.
- Saneamento do pavimento dos viarios, incluíndo entre outras actuacións, a poda das raíces dos plátanos (*Platanus sp.*) situados na zona verde.
- Valorizar o barrio de Covadonga a través de actuacións de modernización-renovación de infraestruturas e elementos de lecer, tanto cualitativa como cuantitativamente.

O obxecto da actuación consiste na reforma e mellora dos equipamentos existentes na praza indicada e no recinto de xogos infantís, incorporando nesta unha zona de equipamentos biosaludables.





Pretendese dotar de instalación de alumado o ámbito da praza, soterrar parte das canalizacións das redes de subministro eléctrico, telefonía e dotar de instalación de subministro eléctrico a referida instalación de alumado municipal.

Procederase, así mesmo, á rehabilitar o firme existente no perímetro da praza debido ao seu avanzado estado de deterioro e patoloxías manifestadas.

Polo exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación do Texto Refundido da Lei de contratos do sector público, aprobado por Real Decreto Legislativo 3/2011, do 14 de novembro, con independencia de que, de acordo co previsto no artigo 4.2 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.

Santiago de Compostela, 22 de xullo de 2016. María Encarnación Rivas Díaz,
Secretaría Xeral de Ordenación do Territorio e Urbanismo